

ՀՀ ԳԱԱ Մ. Քոթանյանի անվան տնտեսագիտության ինստիտուտ

Տեղեկատվական նամակ

Հարգելի գործընկերներ,

2025 թվականին լրանում է ՀՀ ԳԱԱ Մ. Քոթանյանի անվան տնտեսագիտության ինստիտուտի հիմնադրման 70 ամյակը:

Հրավիրում ենք մեզ հետ տոնելու և մասնակցելու «ՏՆՏԵՍՈՒԹՅԱՆ ՆՈՐԱՍՏԵՂԾԱԿԱՆ ԶԱՐԳԱՑՄԱՆ ԵՎ ՌԱԶՄԱՎԱՐԱԿԱՆ ԿԱՌԱՎԱՐՄԱՆ ՀԻՄՆԱՀԱՐՑԵՐԸ» հոբելյանական միջազգային գիտաժողովին, որը կանցկացվի սեպտեմբերի 15-17-ին: Լիագումար նիստը տեղի կունենա սեպտեմբերի 15-ին՝ ՀՀ Գիտությունների ազգային ակադեմիայում (Երևան, Մարշալ Բաղրամյան պողոտա 24), իսկ թեմատիկ ուղղություններով զեկույցները սեպտեմբերի 16-17-ին՝ ՀՀ ԳԱԱ Մ. Քոթանյանի անվան Տնտեսագիտության ինստիտուտի շենքում (Երևան, Սուրբ Գրիգոր Լուսավորիչ 15):

Գիտաժողովն կացկացվի հիբրիդային եղանակով: Գիտաժողովի թեմատիկ ուղղությունները, կանոնակարգը, կոնտակտային տվյալները (տեղեկատվական նամակ) և դիմումի ձևը ներկայացված են:

Միջոցառման հիմնական նպատակն է ներկայացնել միջոցառման մասնակիցների գիտական գործունեության հիմնական ոլորտները՝ ընդլայնելով փոխշահավետ գիտական համագործակցության աշխարհագրությունը և քննարկել տնտեսության նորաստեղծական զարգացման և ռազմավարական կառավարման հիմնահարցերին ուղղված համատեղ գիտական նախագծերի գործնական իրականացման հնարավորությունները:

Գիտաժողովի գիտական նստաշրջանի շրջանակներում նախատեսվում է քննարկել միջոցառման մասնակիցների զեկույցները հետևյալ ուղղություններով.

Գիտաժողովի թեմատիկ ուղղությունները

1. Մակրոտնտեսական ցուցանիշների զարգացման միտումները
2. Ֆինանսական քաղաքականության առաջնահերթություններ
3. Ռազմավարական կառավարում

4. Նորաստեղծական զարգացում. նվաճումներ և խնդիրներ
5. Ժողովրդագրություն, զբաղվածություն և կենսամակարդակ
6. Տնտեսության իրական հատվածի առաջնահերթությունները և զարգացման մակարդակը
7. Ծառայությունների ոլորտի զարգացման առաջնահերթություններն ու խնդիրները
8. Վարքագծային տնտեսագիտություն. կանխադրված ընտրության ուժը

Գիտաժողովի մասնակցությանը և նյութերին ներկայացվող պահանջները.

1. Համառոտագրի ներկայացում մինչև 31/07/2025թ. (սահմանված ժամկետից ուշ ներկայացված համառոտագրերին ընթացք չի տրվի):

Համառոտագրի հետ պետք է ներկայացնել հոդվածի վերնագիրը և հեղինակի/ների տվյալները՝ ամբողջական ազգանուն, անուն, հայրանուն, գիտական աստիճան, կոչում, աշխատանքի վայր, հեռախոսահամար, էլեկտրոնային հասցե, ORCID ID (տվյալները պահանջվում են բոլոր հեղինակների համար):

Համառոտագիրը պետք է պարունակի 200-300 բառ, ամփոփի թեմայի արդիականությունը, նպատակը, խնդիրները, ուսումնասիրության մեթոդը, եզրակացությունները և արդյունքները: Համառոտագրի հետ պետք է ներկայացնել բանալի բառեր՝ ոչ ավել, քան 7-ը, որոնք պետք է բնութագրեն հոդվածը: Հոդվածի վերնագիրը, հեղինակի/ների տվյալները, համառոտագիրը և բանալի բառերը պետք է ներկայացնել հայերեն, ռուսերեն, անգլերեն լեզուներով:

Տնտեսագիտության ինստիտուտի խմբագրական խորհրդի կողմից կստուգվի ներկայացված համառոտագրի և բանալի բառերի համապատասխանությունը միջազգային գիտաժողովի թեմատիկ և տեխնիկական պահանջներին: Էլեկտրոնային փոստի միջոցով հեղինակը (գրագրության կապ պահող հեղինակը) կտեղեկացվի համառոտագրի համապատասխանելու/կամ չհամապատասխանելու վերաբերյալ:

2. Ամբողջական հոդվածի ներկայացում մինչև 29/08/2025թ. (սահմանված ժամկետից ուշ ներկայացված հոդվածներին ընթացք չի տրվի)

Հոդվածը պետք է լինի 10-15 էջի սահմաններում՝ ներառյալ գծապատկերներ, աղյուսակներ, պատկերներ, օգտագործված գրականության ցանկ: Հոդվածը պետք է ունենա

ներածություն, գրականության ակնարկ, մեթոդաբանություն, վերլուծություն, եզրակացություններ, առաջարկություններ հիմնական բաժինները:

Ներածությունում պետք է ներկայացնել հետազոտվող թեմայի արդիականությունը, նպատակը, առաջադրված խնդիրները, թեմայի ուսումնասիրվածության աստիճանը:

Գրականության ակնարկը պետք է ամփոփի թեմայի վերաբերյալ վերջին տարիներին ներկայացված այլ հեղինակների մոտեցումները, ոչ պակաս, քան 10-ը:

Մեթոդաբանության բաժնում պետք է ներկայացնել ուսումնասիրության հիմնական մեթոդը և օգտագործված թվական տվյալների բազան:

Վերլուծության բաժինը պետք է ներառի առաջադրված խնդիրների պարզաբանումը և կարող է ներկայացվել ենթահարցերով:

Եզրակացություններ բաժնում պետք է ներկայացնել առաջադրված նպատակին հասնելու համար ստացված արդյունքները:

Առաջարկություններ բաժնում պետք է ներկայացնել հետազոտության արդյունքների կիրառական մոտեցումները:

Հոդվածում այլ հեղինակների մոտեցումներին և թվական տվյալներին պետք է տալ հղում՝ էջի վերջում: Գիտական հոդվածից հղումը պետք է ներառի՝ հեղինակի/ների ազգանունը, անվան առաջին տառը, տարեթիվը, հոդվածի անվանումը, հոդվածը հրապարակած ամսագրի անվանումը, օգտագործված մտքի էջը, DOI, գրքից հղումը՝ հեղինակի/ների ազգանունը, անվան առաջին տառը, տարեթիվը, գրքի անվանումը, տպագրության վայրը, օգտագործված մտքի էջը: Լրատվական հրապարակումներին, դասագրքերին և ուսումնական ձեռնարկներին հղում անել չի կարելի:

Հոդվածի վերջում պետք է ներկայացնել գրականության ցանկ՝ ամփոփելով բոլոր հղումները՝ բնագրի լեզվով, պետք է պահպանել օրենքներ, իրավական ակտեր, հաշվետվություններ, գրքեր, հոդվածներ, կայք էջեր ներկայացման և այբբենական հաջորդականությունը (հայերեն, ռուսերեն, անգլերեն):

Հոդվածի համապատասխանությունը միջազգային գիտաժողովի տեխնիկական պահանջներին կստուգվի Տնտեսագիտության ինստիտուտի խմբագրական խորհրդի կողմից:

Էլեկտրոնային փոստի միջոցով հեղինակը (գրագրության կապ պահող հեղինակը) կտեղեկացվի հոդվածի տեխնիկական համապատասխանելիության վերաբերյալ:

Խմբագրական խորհրդի կողմից հաստատված հոդվածը պետք է անցնի երկու կույր գրախոսում, որի արդյունքում հոդվածը կարող է 1. երաշխավորվել հրապարակման, 2. երաշխավորվել հրապարակման որոշ փոփոխություններից հետո կամ 3. չթույլատրվել հրապարակման: Գրախոսությունները ներկայացվում են հեղինակին (գրագրության կապ պահող հեղինակին)՝ էլեկտրոնային փոստի միջոցով:

Հոդվածի և համառոտագրի համակարգչային կազմման պահանջները ընդհանուր են:

Պետք է ներկայացնել Microsoft Word Document (.docx), B5 ձևաչափով, թղթի եզրերից թողնել 2սմ, Sylfaen (հայերեն) և Times New Roman (անգլերեն և ռուսերեն) տառատեսակով, 11 pt տառաչափով, տողերի միջակայքը 1.0, վերնագիրը, հեղինակի/ների տվյալները թավատառ, մեծատառերով, բաժինները՝ մեծատառերով:

Գիտաժողովին մասնակցությունն անվճար է:

Գիտաժողովի աշխատանքային լեզուներն են՝ հայերեն, ռուսերեն, անգլերեն:

Լավագույն նյութերը կհրապարակվեն գիտաժողովի նյութերում՝ ISBN և DOI համարներով:

Գիտաժողովի ծրագիրը, միջոցառման ժամանակի և միջոցառման առցանց միանալու հղման մասին ավելի մանրամասն տեղեկատվությունը կուղարկվեն լրացուցիչ:

Դիմումների և համառոտագրերի ներկայացման վերջնաժամկետն է 2025 թվականի հուլիսի 31-ը (ներառյալ):

Հոդվածների ներկայացման վերջնաժամկետն է 2025 թվականի օգոստոսի 29-ը (ներառյալ):

Մեր հասցեն՝ 0015, Երևան, Սուրբ Գրիգոր Լուսավորչի փողոց, 15, ՀՀ ԳԱԱ Մ. Քոթանյանի անվան Տնտեսագիտության ինստիտուտ:

Էլ. փոստ՝ editoreconomics.sci@gmail.com, հեռ.՝ +(374) 10581971: